

Penyelidikan Awal di Timur Sabah

oleh

MOHD. KAMARUZAMAN A. RAHMAN, U.K.M.

IBRAHIM KALALI, Muzium Sabah

Laporan awal ini adalah berdasarkan kepada penyelidikan arkeologi yang dilakukan di Kampung Dasar Baru, Tingkayu dan Bukit Tengkorak, Semporna. Kajian ini dilakukan dalam bulan Oktober dan November 1986 dengan mendapat peruntukkan dari Universiti Kebangsaan Malaysia dan Muzium Sabah. Penulis mengucapkan ribuan terima kasih kepada semua pembantu-pembantu iaitu Peter Kohn, Peter Molijol, Othman Nassib, Tan Chin Hock, Lo Tet Min, Fabian Foo dan Ahmad Nassib. Juga kepada Tuan Haji Hashim Nordin yang membenarkan tanahnya digalicali.

Kawasan Kajian

Ketiga-tiga tempat ini terletak di timur Sabah yang mana tapak Tingkayu telah pun dikaji oleh Dr. Bellwood. Antara 3 tapak ini, Kampung Dasar Baru sahaja dilakukan galicari manakala tapak Tingkayu dan Bukit Tengkorak cuma dilakukan tinjauan permukaan.

Kampung Dasar Baru

Tapak ini terletak lebih kurang 10 km ke barat pekan Kunak dan lebih kurang 1 km dari jalan raya. Di kampung ini, dua parit telah dibuka iaitu DB1 dan DB2. Kawasan ini dipilih berdasarkan kerana terjumpanya banyak artifek tembikar di permukaan tanah.

Hasil dari galicari di DB2, menemukan banyak artifek tembikar yang ditinggalkan oleh orang-orang Idahan iaitu salah sebuah masyarakat Sabah yang telah bermastautin di sini sekitar 600 tahun yang lepas. Ini berdasarkan pendapat Dr. Bellwood yang telah melihat artifek-artifek ini. Pada awalnya penulis menyangkakan bahawa ianya lebih lama kerana bentuk dan corak ukiran tembikar-tembikar ini adalah hampir sama dengan tradisi Sa-huynh-Kalanay dan Bau-Malayu.

Di DB1, selain dari tembikar, juga ditemui porselin China dari zaman Song, Yuan dan Ming. Bagaimanapun, jumpaan ini adalah jumpaan permukaan. Mengikut En. Micheal Chong yang mengenal pasti tembikar ini, adalah menjadi satu pertanyaan kerana tidak terjumpanya tembikar zaman Qing di tapak ini. Mungkin dengan tinjauan yang lebih rapi di masa hadapan akan menemui tembikar zaman Qing ini. Penentuan tarikh ini dibuat dengan membandingkannya kepada koleksi tembikar yang terdapat di Muzium Sabah.

Tingkayu

Di tapak Tingkayu ini, artifek yang dijumpai di permukaan tanah telah dipungut untuk dibawa balik ke Muzium bagi dilakukan kajian lanjut. Lawatan ke tapak ini dibuat kerana memikirkan bahawa artifek akan muncul akibat daripada hakisan oleh air hujan.

Tapak Tingkayu ini khususnya Tingkayu 2 (TIN 2) telah digalicali oleh Dr. Bellwood dengan bantuan kakitangan Muzium Sabah pada tahun 1980 dan 1984. Laporan awal beliau telah diterbitkan dalam IPPA Bulletin No. 5, 1984 yang berpendapat bahawa tapak ini berumur antara 17,000 hingga 28,000 tahun yang lepas.


Beliau mendapati bahawa tapak ini adalah tempat membuat alat-alat dua sisi yang menjadi ciri utama industri Tingkayu dan ianya merupakan satu tahap kemahiran yang

unik bagi jangka masa ini jika dibandingkan dengan lain-lain tempat di Asia Tenggara.


Antara artefak penting yang dijumpai ialah alat batu teras, alat pebel yang besar, alat serpihan dan pisau 'lanceolate'. Disebabkan oleh tanah yang berasid, tinggalan tulang tidak dijumpai dan ini menyukarkan untuk menentukan bentuk dan jenis pemakanan masyarakat zaman Paleolitik ini.

Bukit Tengkorak


Tinjauan juga dilakukan di Bukit Tengkorak dengan memungut jumpaan permukaan khususnya tembikar yang sangat banyak dijumpai disepanjang lereng bukit ini. Corak dan bentuknya hampir sama dengan tembikar yang dijumpai di Kampung Dasar Baru tetapi dijangkakan umurnya lebih tua iaitu sekitar 3000 S.M. Bagaimanapun kajian lanjut perlu dilakukan untuk menentukan kesahihan pendapat ini dan penulis bercadang untuk berbuat demikian dalam masa yang singkat.




DB2 -- Pecahan Tembikar.



DB2 – Pecahan Tembikar.



DB2 – Pecahan Tembikar.



DB2 – Pecahan Tembikar.



Pecahan Tembikar.



DB1 - Longgokan Tembikar (Jumpaan Permukaan). 180




DB1 - Celadon Zaman Song.




DB1 – Porselin Zaman Ming (bahagian kaki, badan dan mulut).




Mangkuk Celadon Zaman Ming.




Tingkayu -- Alat Batu Teras.




Tingkayu -- Alat Batu Teras.




Tingkayu — Alat Pencakar.



Bukit Tengkorak — Pecahan Tembikar.



Bukit Tengkorak – Pecahan Tembikar.



Bukit Tengkorak – Pecahan Tembikar.